

撰集三藏及雜藏傳 失譯人名附東晉錄

大阿羅漢難提蜜多羅所說法住記

唐三藏法師玄奘奉 詔譯



一傳一記同卷

漆九

撰集三藏及雜藏傳

大阿羅漢難提密多羅所說法住記

撰集三藏及雜藏傳

失譯人名附東晉錄

佛涅槃後迦葉阿難於是摩竭國僧伽尸城  
比撰三藏及雜藏經

先禮佛已 禮法衆僧 各受集法 此諸法典  
除去五蓋 一心聽受 所說聚法 如阿難說  
當共信樂 是阿難智 與佛同等 聽集此法  
如佛涅槃 阿難付法 慰念衆生 護持諸法  
如視世尊 無上道士 視阿難等 福田無過  
設非阿難 釋種涅槃 正法滅盡 并及三藏

清刻龍藏佛說法變相圖



佛雨諸法 哀念天人 承以完器 阿難受持  
寄付慇懃 阿難以法 此人乃復 終不漏脫  
所聚法名 分別等法 如師子吼 阿難所說  
一一於前 比丘各好 阿難獨立 佛自稱譽  
若過世智 若復俗智 一切皆知 阿難如海  
汝等爲此 信向阿難 聽所集法 悉斷衆苦  
世尊涅槃 地爲震動 山海踊沸 天人哭泣  
世尊出晚 涅槃何早 人天孤遺 諸道荒塞  
神通徹視 神足羅漢 皆詣拘夷 供養世尊  
八萬四千 過於無漏 天人所敬 福田無上  
閻浮利地 羅漢悉來 世尊涅槃 聚會於中  
別有不還 得頻來果 溝港進學 此輩一倍  
梵行比丘 無數百千 舉手哭行 世尊那去  
我等盲聾 三毒未除 没於五道 誰當拔我  
比丘尼千 數三十五 中有神通 有漏無漏

帝釋梵天 及無數天 文陀華伎 速持來到  
四天大王 各有將從 梅檀珠瓔 速齋來詣  
及諸欲天 有色無色 九十六億 咸詣拘夷  
無畏釋王 八萬牙象 名馬八萬 盡詣拘夷  
舍衛月王 強勇聰明 名象七萬 皆到拘夷  
阿闍世王 勇猛信佛 象七萬半 悲泣來詣  
槃闍梨王 卷九名明端正 象馬六萬 悉詣拘夷  
哀愍王暖 變光親厚 衆各五萬 皆來集會  
西香衆國 諸王嚴仗 四色軍船 數百千衆  
速疾來至 欲見佛屍 龍王泣淚 追尋諸王  
維耶離衆 象馬車乘 如諸天比 來詣拘夷  
凡衆無數 幷及清信 觀佛盡今 當觀涅槃  
世界衆生 三十六億 皆詣拘夷 齋所喪具  
方百由延 拘夷處中 天人滿中 地無空缺  
諸天散華 供養佛屍 鼓天妓樂 雨諸末香

諸王官屬來詣佛屍皆禮佛足圍繞而立  
諸王號泣舉手悲號不復見佛爲衆說法  
阿闍世哭來鳴佛足我五逆人持我付誰  
諸王繞屍散寶滿上並作衆樂香泥塗牀  
舉屍鐵棺灌滿麻油地爲震動諸王號哭  
諸天墮淚滴現於地天王雨淚普皆哭泣  
天栴檀薪如意雜香積之于地諸天四輩  
大迦葉等僧衆坐上衆生所供此大福田  
迦葉衆僧丘尼賢者天帝人王各共燃屍  
燈燒身時天人號哭嗚呼痛哉我等如何  
七日供養諸天盡受分爲八分著覽第九  
各還本所王及凡民諸天還上八部神歸  
八分八塔第九覽塔炭塔第十閻浮所起  
迦葉僧首行出拘夷詣摩竭國聚會衆僧

迦葉語僧比丘莫行當共集會勿令法壞  
於虛空中迦葉鳴捷欲使法久勝於諸魔  
迦葉語衆及天與人今當集法令衆生安  
佛雖涅槃四諦故存八道猶在可獲涅槃  
先佛長壽人民有福遺法日近不久便盡  
今人短命佛出第七涅槃之後法那久存  
不還頻來見道未成今集真僧此不得入  
天眼神足六通無我一切羅漢我今集之  
衆聞教聲即各來集八十千衆皆是無漏  
迦葉問曰弟阿那律遍覩羅漢誰不來者  
那律便觀大千世界見忉利天有憍桓鉢  
律白迦葉憍桓忉利羅漢無漏今不來會  
迦葉命召而亦不來世尊涅槃世空何求  
迦葉心念比丘能有撰佛所說經法者不  
遍看不見能集十二部經法義佛所說者

唯有阿難 是須陀洹 當爲設宜 使成無漏  
上座方便 觀阿難心 知有慈愍 得道未久  
迦葉詰難 不得入衆 汝不應入 今當出去  
阿難白曰 何耶上座 我於三尊 有何過失  
迦葉答曰 弟欲知耶 汝於佛衆 有大過失  
坐汝佛法 滅於千歲 由汝勸佛 度於母人  
細微之戒 佛欲分別 汝何不問 細微戒耶  
爾時何念 輕慢於戒 佛已涅槃 今當問誰  
蹈佛大衣 佛渴索水 汝竟不與 非是過耶  
此比過多 是汝所作 非口所陳 是故當出  
阿難長歎 悲惋墮淚 佛方更終 <sup>四</sup> 當何恃怙  
迦葉遙見 便謂衆僧 皆當速起 阿難今至  
八萬餘衆 皆是無垢 迦葉上首 又手立迎

迦葉舉手 善來阿難 便上高座 修理衆僧  
真大阿難 爲衆人眼 侍佛已竟 瞬曇福成  
汝觀此僧 幷觀天衆 世間久病 有三苦患  
世間無主 尊師涅槃 快共慈心 爲衆說法  
阿難默然 迦葉便請 上座欣笑 作師子吼  
迦葉心念 相望能說 阿難今日 濟度天人  
迦葉舉聲 大命衆生 欲度世者 皆來詣此  
如佛所說 種種諸法 除衆生苦 阿難當說  
一切知法 如散雜華 阿難當撰 分別三藏  
如來說法 隨衆所欲 高座阿難 復當敷演  
十方當聞 天龍鬼神 四部弟子 聞命即至  
如人熱渴 思想飲水 奔走趣河 當於中飲  
天龍鬼神 四輩弟子 來趣阿難 於中聞法  
餘無數衆 進學見道 頻來不還 畏聲後到  
阿那含道 二萬一千 斯陀含衆 四萬二千

須陀洹僧 八萬四千 此等後到 亦欲聽法  
諸王皆集 羣臣兵衆 阿難儀容 衆覩咸歡  
大眾次坐 方十由延 阿難在中 如月滿明  
帝釋在右 梵天在左 侍於阿難 如佛在時  
釋說偈讚 天子欣悅 觀大會故 阿難無畏  
如轉法輪 圍繞佛時 瞻阿難顏 儀容巍巍  
梵天亦爾 請於如來 世尊說法 阿難如是  
魔聞名聲 亦來到此 幷將妻子 及臣兵衆  
波旬覩此 若干衆多 阿難在中 如日光明  
阿難髮生 儀似山頂 項有日光 照於衆會  
難陀髻出 迦葉項光 那律徹視 觀於大千  
諸王在會 幷及羣臣 衆人千億 皆在此中  
見會甚樂 阿難勇猛 波旬愁毒 心懷戰慄  
波旬心念 一佛滅度 更有三出 佛力勢大  
瞿曇涅槃 謂呼得脫 此三所得 其處甚大

見佛滅度 心甚喜悅 瞿曇法衰 無怨仇對  
當設方宜 滅此殘法 四部弟子 及諸國王  
魔便出教 救師子將 速合四兵 盡滅此法  
即起化兵 四種將主 圍繞大會 出可畏聲  
收捕道人 清信男女 誅殺諸王 壞裂道場  
衆會驚愕 四輩心念 此何從出 未成懷疑  
諸王聞聲 皆懷驚怖 見魔兵衆 各自嚴仗  
阿難心惟 誰來相撓 見此兵衆 乃知魔爲  
阿難便笑 救王頓駕 此亂衆者 我自降之  
難以慧力 葉以進力 伸手執魔 三屍繫咽  
第一人屍 第二狗屍 第三蛇屍 肥爛難近  
魔便首請 迦葉見放 羅漢應當 困於人耶  
迦葉我前 極托燒佛 世尊未曾見困如今  
若佛哀愍 被大慈鎧 終不加害 於諸羣生  
我等法集 欲令久興 汝何爲來 托攬我衆

魔即叉手 啓阿難曰 且俱放我 不復燒人  
阿難使誓 迦葉亦爾 若後亂衆 屍還掛頸  
三屍化去 波旬得免 魔便愁怖 别立一面  
諸天稱善 佛法得勝 遺法久存 常當勝魔  
迦葉敕衆 皆當靖定 阿難今說 如佛所演  
諸王普起 又手待之 諸天悉悅 賢者視顏  
迦葉詰難 說經時到 發此寶箱 顯說上法  
何說增一 何說增十 何說本起 何說諸界  
阿難長歎 師子振欵 四顧衆座 說聞如是  
說一時已 地爲震動 一億天人 還得法眼  
舍衛增一 召彼增十 釋中本起 魔竭諸界  
餘經亦爾 處處演說 阿難以經 爲大衆說  
盡集諸經 以爲一藏 律爲二藏 大法三藏  
經錄阿含 戒律大法 三分正等 以爲三藏  
已說大本 錄諸異法 合雜衆集 復爲一藏

別經四分 名作阿舍 增一中舍 長雜四舍  
毗尼隨法 犯次可生 中者久童 苦行在後  
大法諸分 作所生名 分別第一 然後各異  
增一中舍 長雜四舍 迦葉問難 此義何謂  
難答一一 比丘念佛 以是調意 故名增一  
此後二法 清九 思惟善法 兩法便生 止意分別  
三處三法眼 知宿命漏盡

四處四諦 五處五根 六處六大 七處七覺  
八處八擗 九處九止 十處十力 十一處經  
名放牛兒 慈經斷後 增一經終 從此義中  
當一一解 此經若干 故名增一 猶如畫師  
分部色像 是一增一種種撰合 如藥無限  
隨病和合 名某藥丸 故名增一一纏綿  
經緯成布 以一一說 成於增一 如合諸物  
名空集音 種種諸經 故名增一 猶如草木

塗土起牆 圍覆於空 爾乃成舍 如是施戒  
生天涅槃 以義圍繞 故名增一 如一種泥  
成數種器 是一增一 種種義合 從此當知  
種種義說 此經盡出 當持增一 亦不大長  
亦不至短 結義得偶 名中阿含 字亦不麤  
亦不極細 言義正等 是故名中 除去上下  
說於中法 奢於彼我 故名中舍 小凶大凶  
癡疑盡壞 以觀正諦 是故名中 於中長說  
并及先世 劫世流轉 是故曰長 計於諸止  
天上快樂 聞者觀喜 故名曰長 七世遇佛  
及攬大乘 佛之涅槃 是故曰長 諸寶計數  
多有轉輪 諸王喜聞 故名曰長 此法當懷  
學之喜忘 欲斷諸結 是故曰雜 此法等舍  
義味共俱 聞之斷疑 故等名舍 是修行地  
禪智所趣 等見諸法 是名等舍 盡此經中

撮行兩端 聞者多疑 故名等舍 部外雜經  
諸天讚偈 皆入其中 故名等舍 附近法者  
得好淨意 斷諸諍訟 故名戒律 分別中戒  
得淨精進 聞者皆調 是名戒律 比丘行是  
得益於中 破碎衆結 故名戒律 忍諸結垢  
比丘學是 除諸惡行 是名戒律 觀視諸法  
從法得益 墮甘露地 故名毗尼 迦栴造竟  
持用呈佛 佛言上法 當名上法 於中破癡  
益於世間 此衆經明 故名大法 總持外道  
斷於貢高 衆法牙旗 是名大法 譬如明燈  
照於衆物 以見諸形 故名大法 此衆經義  
如芒甘露 是諸法味 此大法義 諸經戒律  
勤思惟持 勿令放捨 軾縛三藏 分別字義  
比丘諸天 千萬稱善 迦葉復問 云何四藏  
阿難可說 爲衆生故 阿難答曰 此說各異

隨衆意行 是名雜藏 佛說宿緣 羅漢亦說  
天梵外道 故名雜藏 中多偈頌 問十二緣  
此各異人 是名雜藏 三阿僧祇 菩薩生中  
所生作緣 故名三藏 中多宿緣 多出所生  
與阿含異 是名雜藏 雜藏之法 讚菩薩生  
此中諸義 多於三藏 都合諸法 結在一處  
何等比丘 能盡持者 當來世時 比丘多愚  
此輩不能 盡持三藏 後當作師 從經出頌  
是故不合 處處有喜 四阿含者  
由此益增 十爲十一處經者 摳諸十一事經以放牛兒  
十一事經爲始 以行慈十一事經爲終 因其所引便出其經 以事相連 故合爲一卷 此放  
牛經者 佛說放牛一事 以況比丘道具十  
一行成道 樹根栽枝葉茂盛多所覆蔭 因放  
牛見於坐發念佛知其意故說言一事 以斥行者放牛者 即解便逮得還羅漢

撰集三藏及雜藏傳

皆共稱善 如阿難說 集法已訖 天人各還  
四輩弟子 皆歸本所

佛涅槃後迦葉阿難等於摩竭國僧伽尸城  
北造集三藏正經及雜藏經常所云四籃者  
合雜言也 凡二百首盧上增一阿含從一至  
十爲十一處經者 摳諸十一事經以放牛兒  
十一事經爲始 以行慈十一事經爲終 因其所引便出其經 以事相連 故合爲一卷 此放  
牛經者 佛說放牛一事 以況比丘道具十  
一行成道 樹根栽枝葉茂盛多所覆蔭 因放  
牛見於坐發念佛知其意故說言一事 以斥行者放牛者 即解便逮得還羅漢